

ონის მუნიციპალიტეტის საკრებულოს ბიუროს

რიგარეშე სხდომის

ოქმი #3

ქ. ონი

20. 03. 2019 წ.

ონის მუნიციპალიტეტის საკრებულოს ბიუროს სხდომას თავმჯდომარეობდა საკრებულოს თავმჯდომარე შუქურა ჯაფარიძე.

ბიუროს 12 წევრიდან სხდომას ესწრებოდა 9 წევრი: შუქურა ჯაფარიძე, ბაჩანა მარკოიშვილი, ვანო ბაღაშვილი, გიორგი მარკოიშვილი, ვლადიმერ ჩლაიძე, სერგო ლობჯანიძე, გელა მეტრეველი, გივი მეტრეველი, გოჩა მეტრეველი.

არ ესწრებოდნენ: ვასილ მეტრეველი, სონია გუგეშაშვილი, ნოდარ ბურდილაძე.

ბიუროს სხდომას ესწრებოდა: საკრებულოს აპარატის უფროსი ალექსანდრე კერვალიშვილი, მერიის ეკონომიკის სამსახურის უფროსი დავით რაზმაძე, სივრცითი მოწყობისა და ინფრასტრუქტურის სამსახურის მეორე კატეგორიის მთავარი სპეციალისტი შორენა ბიძიშვილი, ადმინისტრაციული სამსახურის იურიდიული განყოფილების უფროსი მარიამ გობეჯიშვილი, ადმინისტრაციული სამსახურის ადამიანური რესურსების მართვის, საზოგადოებასთან ურთიერთობისა და საინფორმაციო განყოფილების უფროსი მაგდა მაისურაძე.

ბიუროს სხდომის თავმჯდომარემ ბიუროს წევრებს გააცნო დღის წესრიგი:

1.,,ონის მუნიციპალიტეტის პირველადი სტრუქტურული ერთეულის ადმინისტრაციული სამსახურის დებულების დამტკიცების შესახებ“ ონის მუნიციპალიტეტის საკრებულოს 2018 წლის 20 მარტის #16 დადგენილებაში ცვლილების შეტანის თაობაზე.

/მომხსენებელი-მარიამ გობეჯიშვილი-მერიის იურიდიული განყოფილების უფროსი/

2.,,ონის მუნიციპალიტეტის მერიის თანამდებობის პირთა და პროფესიულ საჯარო მოხელეთა საშტატო ნუსხისა და თანამდებობრივი სარგოების დამტკიცების შესახებ“ ონის მუნიციპალიტეტის საკრებულოს 2018 წლის 2018 წლის 29 მარტის #14 დადგენილებაში ცვლილების შეტანის თაობაზე.

/მომხსენებელი-მაგდა მაისურაძე-ადმინისტრაციული სამსახურის ადამიანური რესურსების მართვის, საზოგადოებასთან ურთიერთობისა და საინფორმაციო განყოფილების უფროსი/

3. ონის მუნიციპალიტეტის მერიაში დამხმარე ამოცანების შესრულების მიზნით მიღებული შრომითი ხელშეკრულებით დასაქმებულ პირთა რაოდენობის შეთანხმების შესახებ.

/მომხსენებელი-მაგდა მაისურაძე-ადმინისტრაციული სამსახურის ადამიანური რესურსების მართვის, საზოგადოებასთან ურთიერთობისა და საინფორმაციო განყოფილების უფროსი/

4. ონის მუნიციპალიტეტის საკუთრებაში არსებული 14 (თოთხმეტი) ცალი მზის ფოტოელექტრო სისტემების ფიზიკური პირებისათვის პირდაპირი განკარგვის წესით დროებით სარგებლობასი (უსასყიდლოდ,) თხოვების) ფორმით გადაცემის საკითხის შეთანხმების თაობაზე.

/მომხსენებელი-დავით რაზმაძე-ეკონომიკის სამსახურის უფროსი)

5. ონის მუნიციპალიტეტის საკუთრებაში არსებული ქ. ონში ვახტანგ მე-6-ის ქუჩაზე მდებარე 340.0 კვ.მ (ს.კ 88.18.24.128) არასასოფლო-სამეურნეო მიწის ნაკვეთის ელექტრონული აუქციონის წესით სარგებლობის უფლებით იჯარის ფორმით გადაცემასთან დაკავშირებით ქირის საწყისი საფასურის განსაზღვრის შესახებ.

/მომხსენებელი-დავით რაზმაძე-ეკონომიკის სამსახურის უფროსი)

6. „ონის მუნიციპალიტეტის საკუთრებაში არსებული ქ. ონში აღმაშენებლის ქუჩა #54-ზე მდებარე არასასოფლო-სამეურნეო დანიშნულების მიწის ნაკვეთებიდან (ს.კ 88.18.24.087) 74.0 კვ.მ-ის და (ს.კ. 88.18.24.086) 182.0 კვ.მ სარგებლობის უფლებით სერვიტუტის ფორმით გადაცემასთან დაკავშირებით ქირის (საზღაურის) საწყისი საფასურის განსაზღვრის შესახებ.“

/მომხსენებელი-დავით რაზმაძე-ეკონომიკის სამსახურის უფროსი)

7. ქ. ონში ბერ-შევას სახელობის პარკში მდებარე (ს.კ. 88.18.01.820) არასასოფლო-სამეურნეო დანიშნულების მიწის ნაკვეთის მინი ფეხბურთის ხელოვნურსაფარიანი სტადიონის 1040.0 კვ.მ-ის ფართობის ა(ა)იპ „ონის მუნიციპალიტეტის ბავშვთა და მოზარდთა სასპორტო სკოლის კომპლექსი“-სათვის პირდაპირი განკარგვის წესით სარგებლობის უფლებით, უსასყიდლო უზურფრუქტის ფორმით გადაცემის საკითხის შეთანხმების შესახებ.

/მომხსენებელი-დავით რაზმაძე-ეკონომიკის სამსახურის უფროსი)

8. 2019 წელს ონის მუნიციპალიტეტში განსახორციელებელი პროექტის მოწონების შესახებ.

/მომხსენებელი- შორენა ბიძიშვილი სივრცითი მოწყობისა და ინფრასტრუქტურის სამსახურის უფროსი სპეციალისტი/

9. 2019 წელს ონის მუნიციპალიტეტში სოფლის მხარდაჭერის პროგრამის ფარგლებში განსახორციელებელი პროექტის მოწონების შესახებ.

/მომხსენებელი-შორენა ბიძიშვილი-სივრცითი მოწყობისა და ინფრასტრუქტურის სამსახურის უფროსი სპეციალისტი/

10. სახელმწიფო აუდიტის სამსახურის მიერ 2018 წელს დამტკიცებული ონის მუნიციპალიტეტის 2016-2017 წლების ბიუჯეტებით გათვალისწინებული პროგრამების შესაბამისობის აუდიტის ანგარიშის განხილვა.

/მომხსენებელი-შუქურა ჯაფარიძე-საკრებულოს თავმჯდომარე/

11. „ონის მუნიციპალიტეტის საკრებულოს წევრის (გარდა საკრებულოს თანამდებობის პირებისა) უფლებამოსილებასთან დაკავშირებული ხარჯების ანაზღაურების წესის დამტკიცების შესახებ“ ონის მუნიციპალიტეტის საკრებულოს 2014 წლის 5 დეკემბრის #44 დადგენილებაში ცვლილებების შეტანის თაობაზე.

/მომხსენებელი-შუქურა ჯაფარიძე-საკრებულოს თავმჯდომარე/

12. ონის მუნიციპალიტეტის საკრებულოს თავმჯდომარესა და საკრებულოს თავმჯდომარის მოადგილეზე საწვავის ყოველთვიური ლიმიტის განაწილების შესახებ.

/მომხსენებელი-შუქურა ჯაფარიძე-საკრებულოს თავმჯდომარე/

13. ონის მუნიციპალიტეტის გენდერული თანასწორობის საბჭოს სამოქმედო გეგმის დამტკიცების შესახებ.

/მომხსენებელი-შუქურა ჯაფარიძე-საკრებულოს თავმჯდომარე/

14. განათლების, კულტურის, ახალგაზრდულ საქმეთა და სოციალურ საკითხთა კომისიის თავმჯდომარის ინფორმაცია მუნიციპალიტეტის ბიბლიოთეკებში არსებული მდგომარეობის შესახებ.

/მომხსენებელი-ვასილ მაისურაძე -კომისიის წევრი/

15. სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარის ინფორმაცია ადგილობრივი გზების შენახვისა და განვითარების პროგრამების მიმდინარეობისა და მიმდინარე ინფრასტრუქტურული პროექტების პროექტირებისა და მიმდინარე სამუშაოების შესახებ.

/მომხსენებელი-გივი მეტრეველი-ინფრასტრუქტურის კომისიის თავმჯდომარე/

დღის წესრიგი დადგა კენჭისყრაზე

მომხრე-ყველა, წინააღმდეგი-არცერთი

დამტკიცდა დღის წესრიგი

მოისმინეს: 1. „ონის მუნიციპალიტეტის პირველადი სტრუქტურული ერთეულის ადმინისტრაციული სამსახურის დებულების დამტკიცების შესახებ“ ონის მუნიციპალიტეტის საკრებულოს 2018 წლის 20 მარტის #16 დადგენილებაში ცვლილების შეტანის თაობაზე.

/მომხსენებელი-მარიამ გობეჯიშვილი-მერიის იურიდიული განყოფილების უფროსი/

მ. გობეჯიშვილმა სხდომას გააცნო დადგენილების პროექტი „ონის მუნიციპალიტეტის პირველადი სტრუქტურული ერთეულის ადმინისტრაციული სამსახურის დებულების დამტკიცების შესახებ“ ონის მუნიციპალიტეტის საკრებულოს 2018 წლის 20 მარტის #16 დადგენილებაში ცვლილების შეტანის თაობაზე და აღნიშნა, რომ სამსახურის დებულებასი ცვლილება გამოწვეულია ონის მუნიციპალიტეტის მერიის თანამდებობის პირთა და პროფესიულ საჯარო მოხელეთა საშტატო ნუსხისა და თანამდებობრივი სარგოების დამტკიცების შესახებ დადგენილებაში ცვლილებით. ორგანიზაციაში საზოგადოებასთან ურთიერთობის საკითხებში შრომითი ხელშეკრულებით ორი სპეციალისტია დასაქმებული, ხოლო აღნიშნული მიმართულებით ვაკანტური შტატი გაუქმდა.

აზრი გამოთქვეს: შ. ჯაფარიძემ აღნიშნა, რომ 2019 წლის აუდიტის დასკვნაში იყო შენიშვნა ხელშეკრულებით აყვანილ თანამშრომლებთან დაკავშირებით, ხომ არ გახდება ეს ცვლილებაც მომდევნო აუდიტის შენიშვნის მიზეზი? პიარის სამსახურის თანამშრომლები, მიუხედავად იმისა, რომ ძალიან საპასუხისმგებლო საქმიანობას ეწევიან, არიან ხელშეკრულებით აყვანილი, რამდენად კანონის შესაბამისია ეს ქმედება? თუ შემდეგი აუდიტი შენიშვნას არ მოგვცემს, როგორც ხარვეზს, მაშინ საკითხი მისაღებია. ს. ლობჯანიძის თქმით, შტატგარეშე თანამშრომლების ხარჯზე ხდება შტატების შემცირება, რაც მისასაღმებელია.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 2. „ონის მუნიციპალიტეტის მერიის თანამდებობის პირთა და პროფესიულ საჯარო მოხელეთა საშტატო ნუსხისა და თანამდებობრივი სარგოების დამტკიცების შესახებ“ ონის მუნიციპალიტეტის საკრებულოს 2018 წლის 29 მარტის #14 დადგენილებაში ცვლილების შეტანის თაობაზე.

/მომხსენებელი-მაგდა მაისურაძე-ადმინისტრაციული სამსახურის ადამიანური რესურსების მართვის, საზოგადოებასთან ურთიერთობისა და საინფორმაციო განყოფილების უფროსი/

მომხსენებელმა სხდომას წარუდგინა დადგენილების პროექტი ონის მუნიციპალიტეტის საკრებულოს 2018 წლის 29 მარტის #14 დადგენილებაში ცვლილების შეტანის თაობაზე და განმარტა, რომ მერიის ადმინისტრაციული სამსახურის ადამიანური რესურსების მართვის, საზოგადოებასთან ურთიერთობისა და საინფორმაციო განყოფილებას გაუუქმდეს საზოგადოებ «ასთან ურთიერთობის ფუნქცია და ჩამოყალიბდეს, როგორც ადმინისტრაციული სამსახურის ადამიანური რესურსების მართვისა და საინფორმაციო განყოფილება 3 შტატით. განყოფილებაში გაუქმდეს ერთი ვაკანტური შტატი საზოგადოებასთან ურთიერთობის საკითხებში, რადგან შრომითი ხელშეკრულებით მიღებულია ორი სპეციალისტი საზოგადოებასთან ურთიერთობის საკითხებში.

ასევე, მერიის ზედამხედველობის სამსახურში გაუქმდეს ერთი ვაკანტური შტატი-მეორე კატეგორიის უფროსი სპეციალისტი და დაემატოს შტატი-მეორე კატეგორიის უმცროსი სპეციალისტი.

აზრი გამოთქვეს: ა. კერვალიშვილის თქმით, უხერხულია ყოველ თვეში, ყველა სხდომაზე საშტატო ნუსხაში ცვლილებების შეტანა, ასევე, როგორც მან აღნიშნა, მუნიციპალიტეტის საკონკურსო კომისია მან დატოვა პროტესტის ნიშნად, რადგან მისი იქ ყოფნა იყო ნომინალური და არ ეთანხმებოდა განხორციელებულ ქმედებებს.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 3. ონის მუნიციპალიტეტის მერიაში დამხმარე ამოცანების შესრულების მიზნით მიღებული შრომითი ხელშეკრულებით დასაქმებულ პირთა რაოდენობის შეთანხმების შესახებ.

/მომხსენებელი-მაგდა მაისურაძე-ადმინისტრაციული სამსახურის ადამიანური რესურსების მართვის, საზოგადოებასთან ურთიერთობისა და საინფორმაციო განყოფილების უფროსი/

მომხსენებელმა სხდომას გააცნო განკარგულების პროექტი ონის მუნიციპალიტეტის მერიაში დამხმარე ამოცანების შესრულების მიზნით მიღებული შრომითი ხელშეკრულებით დასაქმებულ პირთა რაოდენობის შეთანხმების შესახებ და განმარტა, რომ დამხმარე ამოცანების შესრულების მიზნით აყვანილია ექვსი თანამშრომელი, აქედან 2-მერის თანაშემწე, 2-სპეციალისტი საზოგადოებასთან ურთიერთობის საკითხებში, 2-ტექნიკური მუშაკი.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 4. ონის მუნიციპალიტეტის საკუთრებაში არსებული 14 (თოთხმეტი) ცალი მზის ფოტოელექტრო სისტემების ფიზიკური პირებისათვის პირდაპირი განკარგვის წესით დროებით სარგებლობაში (უსასყიდლოდ,) თხოვების) ფორმით გადაცემის საკითხის შეთანხმების თაობაზე.

/მომხსენებელი-დავით რაზმაძე-ეკონომიკის სამსახურის უფროსი)

დ. რაზმაძემ ბიუროს წევრებს გააცნო განკარგულების პროექტი, რომლის თანახმად უნდა მიეცეს თანხმობა მუნიციპალიტეტის მერიას მუნიციპალიტეტის საკუთრებაში არსებული 14 ცალი მზის ფოტოელექტრო სისტემების პირდაპირი განკარგვის წესით დროებით სარგებლობაში 2 წლის ვადით თხოვების ფორმით გადაცემაზე 13 მოქალაქისათვის.

აზრი გამოთქვა: ა. კერვალიშვილმა, როგორც მან აღნიშნა, სულ მთლად გამართლებული არ არის ფიზიკურ პირებზე მზის ფოტოელექტრო სისტემების გადაცემა, გასარკვევია, ეს პირები მუდმივად ცხოვრობენ თუ არა იმ სოფლებში, სადაც არ არის ელ.ენერგია და ესაჭიროებათ მსგავსი ტიპის მოწყობილობები.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 5. ონის მუნიციპალიტეტის საკუთრებაში არსებული ქ. ონში ვახტანგ მე-6-ის ქუჩაზე მდებარე 340.0 კვ.მ (ს.კ 88.18.24.128) არასასოფლო-სამეურნეო მიწის ნაკვეთის ელექტრონული აუქციონის წესით სარგებლობის უფლებით იჯარის ფორმით გადაცემასთან დაკავშირებით ქირის საწყისი საფასურის განსაზღვრის შესახებ.

/მომხსენებელი-დავით რაზმაძე-ეკონომიკის სამსახურის უფროსი)

დ. რაზმაძემ სხდომას წარუდგინა განკარგულების პროექტი ონის მუნიციპალიტეტის საკუთრებაში არსებული ქ. ონში ვახტანგ მე-6-ის ქუჩაზე მდებარე 340.0 კვ.მ (ს.კ 88.18.24.128) არასასოფლო-სამეურნეო მიწის ნაკვეთის ელექტრონული აუქციონის წესით სარგებლობის უფლებით იჯარის ფორმით გადაცემასთან დაკავშირებით ქირის საწყისი საფასურის განსაზღვრის შესახებ და განმარტა, რომ აღნიშნული მიწის ნაკვეთის ელექტრონული აუქციონის წესით აღნაგობის უფლებით სასყიდლიან სარგებლობაში გადაცემისას ქირის საწყისი საფასური უნდა განისაზღვროს 500.0 ლარის ოდენობით.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 6. „ონის მუნიციპალიტეტის საკუთრებაში არსებული ქ. ონში აღმაშენებლის ქუჩა #54-ზე მდებარე არასასოფლო-სამეურნეო დანიშნულების მიწის ნაკვეთებიდან (ს.კ 88.18.24.087) 74.0 კვ.მ-ის და (ს.კ. 88.18.24.086) 182.0 კვ.მ სარგებლობის უფლებით სერვიტუტის ფორმით გადაცემასთან დაკავშირებით ქირის (საზღაურის) საწყისი საფასურის განსაზღვრის შესახებ.“

/მომხსენებელი-დავით რაზმაძე-ეკონომიკის სამსახურის უფროსი)

დ. რაზმაძემ ბიუროს წევრებს გააცნო განკარგულების პროექტი „ონის მუნიციპალიტეტის საკუთრებაში არსებული ქ. ონში აღმაშენებლის ქუჩა #54-ზე მდებარე არასასოფლო-სამეურნეო დანიშნულების მიწის ნაკვეთებიდან (ს.კ 88.18.24.087) 74.0 კვ.მ-ის და (ს.კ. 88.18.24.086) 182.0 კვ.მ სარგებლობის უფლებით სერვიტუტის ფორმით გადაცემასთან დაკავშირებით ქირის (საზღაურის) საწყისი საფასურის განსაზღვრის შესახებ.“

აზრი გამოთქვეს: ს. ლობჯანიძემ აღნიშნა, რომ სარგებლობის უფლებით გადაცემის შემთხვევაში აღნიშნულ ნაკვეთებს სახელმწიფო ვედარ გამოიყენებს. ასევე, რა უფლებით გასცემს მერია ამ მიწის ნაკვეთებზე სასტუმროს აშენების ნებართვას, საკრებულოსთან შეთანხმების გარეშე? შ. ჯაფარიძის თქმით, ხდება ბაზრის ტერიტორიის შეზღუდვა, ამიტომ, რადგან მიმდინარეობს მუშაობა ქალაქის განაშენიანების გეგმაზე, დაველოდოთ გეგმას და

გადაწყვეტილება აღნიშნულ საკითხზე შემდეგ მივიღოთ, ამ ეტაპზე კი, გამართლებული იქნება საკითხი გადაიდოს .

საკითხის, „ონის მუნიციპალიტეტის საკუთრებაში არსებული ქ. ონში აღმაშენებლის ქუჩა #54-ზე მდებარე არასასოფლო-სამეურნეო დანიშნულების მიწის ნაკვეთებიდან (ს.კ 88.18.24.087) 74.0 კვ.მ-ის და (ს.კ. 88.18.24.086) 182.0 კვ.მ სარგებლობის უფლებით სერვიტუტის ფორმით გადაცემასთან დაკავშირებით ქირის (საზღაურის) საწყისი საფასურის განსაზღვრის შესახებ,“ გადადება დადგა კენჭისყრაზე.

მომხრე ყველა, წინააღმდეგი არცერთი

გადაწყდა: გადაიდოს წარმოდგენილი საკითხი.

მოისმინეს: 7. ქ. ონში ბერ-შევას სახელობის პარკში მდებარე (ს.კ. 88.18.01.820) არასასოფლო-სამეურნეო დანიშნულების მიწის ნაკვეთის მინი ფეხბურთის ხელოვნურსაფარიანი სტადიონის 1040.0 კვ.მ-ის ფართობის ა(ა)იპ „ონის მუნიციპალიტეტის ბავშვთა და მოზარდთა სასპორტო სკოლის კომპლექსი“-სათვის პირდაპირი განკარგვის წესით სარგებლობის უფლებით, უსასყიდლო უზურფრუქტის ფორმით გადაცემის საკითხის შეთანხმების შესახებ.

/მომხსენებელი-დავით რაზმაძე-ეკონომიკის სამსახურის უფროსი)

მომხსენებელმა სხდომას წარუდგინა განკარგულების პროექტი აღნიშნული მინი ფეხბურთის ხელოვნურსაფარიანი სტადიონის ფართობის ა(ა)იპ „ონის მუნიციპალიტეტის ბავშვთა და მოზარდთა სასპორტო სკოლის კომპლექსი“-სათვის გადაცემის საკითხის შეთანხმების შესახებ.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 8. 2019 წელს ონის მუნიციპალიტეტში განსახორციელებელი პროექტის მოწონების შესახებ.

/მომხსენებელი- შორენა ბიძიშვილი სივრცითი მოწყობისა და ინფრასტრუქტურის სამსახურის უფროსი სპეციალისტი/

შ. ბიძიშვილმა ბიუროს წევრებს გააცნო განკარგულების პროექტი 2019 წელს ონის მუნიციპალიტეტში განსახორციელებელი პროექტის მოწონების შესახებ და განმარტა, რომ

აღნიშნული პროექტი გულისხმობს ქ. ონში განსახორციელებელი სანიაღვრე სისტემების საპრევენციო-სარეაბილიტაციო სამუშაოების მოწონებას საკრებულოს სხდომაზე და სხდომას გააცნო ის სანიაღვრე არხები, რომელთა საპრევენციო-სარეაბილიტაციო სამუშაოებიც იგეგმება მიმდინარე წელს.

აზრი გამოთქვა: ა. კერვალიშვილმა, როგორც მან აღნიშნა, აუცილებელია, წარმოდგენილ ჩამონათვალს დაემატოს გვანცა დედოფლის ქუჩაზე ჩამომავალი, ეგრეთწოდებული, „დედაბერა ლელეს“ გამტარი არხი, რომელიც გასული საუკუნის 80-იან წლებშია გაკეთებული და არის ამორტიზებული. ასევე საჭიროა, შესწორდეს გეგმაში მოცემული სიტყვები, რადგან, წმენდაურიდან მომავალი წყალი ვერანაირად ვერ გაივლის ლებანიძის სანაპიროზე, მოედნის ჩიხში და წერეთლის ქუჩებზე.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 9. 2019 წელს ონის მუნიციპალიტეტში სოფლის მხარდაჭერის პროგრამის ფარგლებში განსახორციელებელი პროექტის დამტკიცების შესახებ.

/მომხსენებელი- შორენა ბიძიშვილი სივრცითი მოწყობისა და ინფრასტრუქტურის სამსახურის უფროსი სპეციალისტი/

მომხსენებელმა სხდომას გააცნო განკარგულების პროექტი 2019 წელს ონის მუნიციპალიტეტში სოფლის მხარდაჭერის პროგრამის ფარგლებში განსახორციელებელი პროექტის დამტკიცების შესახებ.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 10. სახელმწიფო აუდიტის სამსახურის მიერ 2018 წელს დამტკიცებული ონის მუნიციპალიტეტის 2016-2017 წლების ბიუჯეტებით გათვალისწინებული პროგრამების შესაბამისობის აუდიტის ანგარიშის განხილვა.

/მომხსენებელი-შუქურა ჯაფარიძე-საკრებულოს თავმჯდომარე/

შ. ჯაფარიძემ სხდომას გააცნო სახელმწიფო აუდიტის სამსახურის მიერ 2018 წელს დამტკიცებული ონის მუნიციპალიტეტის 2016-2017 წლების ბიუჯეტებით გათვალისწინებული პროგრამების შესაბამისობის აუდიტის ანგარიში და აღნიშნა, რომ წარმოდგენილი საკითხი განხილული იქნა, როგორც ბიუროს სხდომაზე, ასევე კომისიებისა და ფრაქციების სხდომებზე. შემუშავებულია დასკვნები და მიმდინარეობს მუშაობა აუდიტის დასკვნაში მოყვანილი შენიშვნებისა და ხარვეზების გამოსწორების მიზნით.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი სახელმწიფო აუდიტის სამსახურის მიერ 2018 წელს დამტკიცებული ონის მუნიციპალიტეტის 2016-2017 წლების ბიუჯეტებით გათვალისწინებული პროგრამების შესაბამისობის აუდიტის ანგარიში განხილული იქნას საკრებულოს სხდომაზე.

მოისმინეს: 11. „ონის მუნიციპალიტეტის საკრებულოს წევრის (გარდა საკრებულოს თანამდებობის პირებისა) უფლებამოსილებასთან დაკავშირებული ხარვეზების ანაზღაურების წესის დამტკიცების შესახებ“ ონის მუნიციპალიტეტის საკრებულოს 2014 წლის 5 დეკემბრის #44 დადგენილებაში ცვლილებების შეტანის თაობაზე.

/მომხსენებელი-შუქურა ჯაფარიძე-საკრებულოს თავმჯდომარე/

შ. ჯაფარიძემ ბიუროს წევრებს წარუდგინა დადგენილების პროექტი და განმარტა, რომ დადგენილებაში შევიდა რედაქციული ხასიათის ცვლილება.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 12. ონის მუნიციპალიტეტის საკრებულოს თავმჯდომარესა და საკრებულოს თავმჯდომარის მოადგილეზე საწვავის ყოველთვიური ლიმიტის განაწილების შესახებ.

/მომხსენებელი-შუქურა ჯაფარიძე-საკრებულოს თავმჯდომარე/

შ. ჯაფარიძემ ბიუროს წევრებს გააცნო განკარგულების პროექტი და აღნიშნა, რომ საკრებულოსთვის გამოყოფილი საწვავი გადანაწილდა საკრებულოს თავმჯდომარესა და საკრებულოს თავმჯდომარის მოადგილეზე.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 13. ონის მუნიციპალიტეტის გენდერული თანასწორობის საბჭოს სამოქმედო გეგმის დამტკიცების შესახებ.

/მომხსენებელი-შუქურა ჯაფარიძე-საკრებულოს თავმჯდომარე/

მომხსენებელმა ბიუროს სხდომას წარუდგინა ონის მუნიციპალიტეტის გენდერული თანასწორობის საბჭოს სამოქმედო გეგმა და აღნიშნა, რომ საბჭომ სხდომაზე განიხილა წარმოდგენილი სამოქმედო გეგმა და მიიღო გადაწყვეტილება, საკრებულოს სხდომაზე დამტკიცდეს წარმოდგენილი სახით.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში, განსახილველად.

მოისმინეს: 14. განათლების, კულტურის, ახალგაზრდულ საქმეთა და სოციალურ საკითხთა კომისიის თავმჯდომარის ინფორმაცია მუნიციპალიტეტის ბიბლიოთეკებში არსებული მდგომარეობის შესახებ.

/მომხსენებელი-ვასილ მაისურაძე - კომისიის წევრი/

კომისიის თავმჯდომარის, სონია გუგუშასვილის არ ყოფნის გამო, სხდომაზე საკითხი წარმოადგინა კომისიის წევრმა ვასილ მაისურაძემ. მან სხდომას გააცნო განათლების, კულტურის, ახალგაზრდულ საქმეთა და სოციალურ საკითხთა კომისიის თავმჯდომარის ინფორმაცია მუნიციპალიტეტის ბიბლიოთეკებში არსებული მდგომარეობის შესახებ.

გადაწყდა: ინფორმაცია მოსმენილი იქნას საკრებულოს სხდომაზე.

მოისმინეს: 15. სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარის ინფორმაცია ადგილობრივი გზების შენახვისა და განვითარების პროგრამების მიმდინარეობისა და მიმდინარე ინფრასტრუქტურული პროექტების პროექტირებისა და მიმდინარე სამუშაოების შესახებ.

/მომხსენებელი-გივი მეტრეველი-ინფრასტრუქტურის კომისიის თავმჯდომარე/

მომხსენებელმა ბიუროს წევრებს გააცნო ინფორმაცია ადგილობრივი გზების შენახვისა და განვითარების პროგრამების მიმდინარეობისა და მიმდინარე ინფრასტრუქტურული პროექტების პროექტირებისა და მიმდინარე სამუშაოების შესახებ.

გადაწყდა: ინფორმაცია მოსმენილი იქნას საკრებულოს სხდომაზე.

შემდეგ სხდომის თავმჯდომარემ სხდომა დახურულად გამოაცხადა.

შუქურა ჯაფარიძე

საკრებულოს თავმჯდომარე